

勅脩甘肅通志

第二十七册

卷之三十七

忠節



甘肅通志卷之第三十七

忠節

人臣委質事君平時竭忠盡職遇難殉節致身自去

忠臣烈士彪炳史冊當時傳為盛事後代猶深景仰

甘肅自漢迄今代有其人謹列姓名垂諸奕世志忠

節

臨洮府

晉辛 賓狄道人勉弟愍帝時為尚書郎及帝蒙塵於

平陽劉聰使帝行酒洗爵賓起抱帝大哭聰曰前殺

甘肅通志

卷三十七

忠節

庾珉輩故不足為戒耶引出遂加害焉

辛恭靖狄道人隆安中為河南太守會姚興來寇恭

靖固守百餘日以無救而陷被執至長安興欲官之

恭靖厲色曰我寧為國家鬼不為羌賊臣興怒幽之

別室經三年誑守者乃踰垣遁歸於江東安帝嘉之

桓元請為諮議參軍置之朝首

鞠 允金城人為雍州刺史愍帝即位以允為左僕

射領軍持節西戎校尉錄尚書事劉曜逼長安允擊

破之擒殷凱於陣曜後攻北地太守鞠昌遣使求救

甘肅通志卷之第三十七 忠節

允率步騎赴之曜復攻長安允與帝至平陽爲劉聰所幽辱允伏地號哭不能起因自殺聰嘉其忠烈贈諡節愍侯

劉雄字猛省臨洮金城人少機辨慷慨有大志初爲文帝親信後拜中大夫賜姓宇文氏天和中封周昌侯武帝以雄爲河州刺史雄先已爲本縣令復有此授鄉里榮之後進爵趙郡公宣政元年突厥寇幽州雄戰沒贈亳州總管

隋李襲志字仲先狄道人始安郡丞大業末盜起襲志甘肅通志

卷三七

忠節

二

傾私財募士二千乘城拒之或勸其據嶺表取百粵效尉陀事襲志曰當相與戮力爲宗社雪耻寧蹈忠以死不逆節以生遂固守凡二年竟爲蕭銑所害

唐辛謹蘭州人雲京孫也學詩書能擊劍重然諾急人之急初事李暉主錢穀性廉勁慨然常有濟時意後龐助攻杜悛於泗州謹聞之乘舟趨泗口貫賊柵以入悛素聞其名握手相慰賊焚淮口謹乃出求援至洪澤見戍將郭厚本流涕告急付兵五百與悛表

裏擊賊大敗之謹入人心遂固圍三月城益危謹復

與壯士徐珍等夜斬賊柵詣浙西見杜審權時皆傳
泗州已陷疑讜爲賊計囚之防禦使李嶧稱其忠可
信審權乃許救合淮南兵五千讜引兵大戰斬賊六
百級入城愾表其功於朝授御史圍夙九月乃解卒
完一州以功第一拜亳州刺史乾符末終嶺南節度
使

明何 銘河州衛指揮同知永樂十年領軍涼州衛遇
賊力戰而死

漆 堅渭源人任四川重慶府照磨值蜀賊反領鄉

甘肅通志

卷三七

忠節

三

兵力戰而死

何 勳字朝用銘之孫本衛指揮同知正德九年征
西寧及嘉靖五年征洮州俱有功九年戍甘州賊臨
境同百戶孫福力戰陣亡

陳 鍾蘭州衛左所正千戶成化四年從大將軍征
叛賊滿俊於石城臨陣呼副千戶李旺盡力報國遂
揮兵奮擊力戰同死於陣一時壯之

張 瀛字士元蘭州衛左所正千戶性孝友忠實臨

事有爲陞指揮僉事正德十二年秋臨鞏參政張論

檄瀛隨征至安定先令軍士入城爲保全計挺身出
探遇敵衆寡不敵戰死至剖其腹事聞加指揮使世
襲命有司致祭

姚 震河州衛指揮同知陞遊擊將軍正德辛未調
四川征勦流賊力戰陣亡

朱 輔蘭州衛右所正千戶委守河北安寧堡大敵
至斬獲有功俄而勢益衆輔力戰爲流矢所中而死
性孝友勤職善撫士卒人共悼惜之事聞贈指揮僉
事世襲

甘肅通志

卷三十七

忠節

四

妙 齡河州人由軍功陞本衛正千戶弘治十四年
領兵固原等處遇賊戰死贈指揮僉事

馮 琦河州衛指揮僉事正德祭酉追勦四川流賊
戰死子恩襲職嘉靖元年領軍於洮州遇賊亦戰死
蔣繼勳河州衛指揮使嘉靖十一年領軍甘州遇賊
戰死贈都指揮僉事

黃 命河州營千總明末從參將費邑宰統兵進征
四州流賊於五丁硤力戰而死

朱家仕字翼明河州人明末戊辰進士陞山西兵備

道沿蹟有聲李逆陷京師山右訖無堅城家仕義不
屈投井而死

韓一麟蘭州人明末以明經司訓寧羗寇至城陷麟
以身殉難事聞贈國子監學錄

石崇德字峻吾狄道人早喪父其母張氏殉節死德
寄養外家及長襲祖父職陞金鎖關守備有戰功陞
固原鎮左營都司會流賊襲隆德崇德從兵備道陸
夢龍出兵禦之賊圍陸數匝德突出重圍聞陸困賊
中復殺入與陸俱戰死奉旨贈副總兵

甘肅通志

卷三十七

忠節

五

李承先蘭州衛百戶勇畧出衆騎射邁倫天啟間以
功陞參將殉節

蔣嘉邛蘭州人年弱冠善騎射從督撫勦寇有功題
授都司明末李賊壓境嘉邛扈王出城爲伏莽土回
所刼拒敵河許矢盡被害碎骨層冰中

段字辛蘭州庠生南陽知府堅曾孫闖寇至衣冠再
拜自縊於祖祠子婦王氏亦同時自盡

溫桂棗蘭州人肅藩侍書李寇入城夫妻子女八口

闔門俱縊死

林培探蘭郡庠生李冠入城殉難自縊死

朱文美蘭州耆民李冠入城同妻王氏並縊死

李芳 李如玉 劉子都 魏承勲 李國琦

何天衢 賀守王 官俱固鎮標弁萬曆十八

年從總兵劉承嗣征勦俱奮勇當先殺賊甚多賊更

出驍騎伏精兵衝營時天大雨承嗣敗績芳等八人

俱戰死後立廟致祭

皇清王世德河州衛人博學多謀以軍功陞授臨洮道標

中軍守備順治五年遇回變不屈而死

甘肅通志

卷三十七

忠節

六

李絮飛遼東人順治五年任臨鞏道履任未及兩月

值逆回米刺印叛殉節

趙 翀鄭州人順治五年任蘭州同知回變殉節

李 涓定興人順治二年知渭源縣政尙平恕五年

回變倡議守城奸民爲賊內應遂被執涓罵賊不屈

死督撫上其事贈按察司僉事廕一子

白 旂蘭州學正回變殉節

魏廳 德字全明南安獮道人初平中從馬騰擊反羗有功遷校尉封都亭侯以不降蜀漢死魏封其二子爲列侯諡壯侯

宋李彥仙字少嚴寧州彭原人徙鞏州靖康元年應募爲石壕尉堅守三背金人攻之彥仙戰佯北金人追之伏發掩殺千級累功知陝州初金人得陝用降人守之招集散亡彥仙陰遣人廁其間乃引兵攻南郭潛師薄東北隅所納士內應譟而入復陝州乘勝渡

甘肅通志

卷三十七

忠節

七

河列柵中條諸山郡邑皆響附金婁宿奇其才略以官彥仙斬其使復遣人招降彥仙命強弩一發斃之金益兵攻城城陷彥仙率衆巷戰矢集身如蝟左臂中刃不斷戰愈力旣而投河死之贈彰武節度使建廟號忠烈諡忠威

馬 塋岩昌人家世以忠勇爲名將塋以六郡鎮撫使咸淳中元將楊文安與塋同里諭使降塋不從文安乃列柵攻城潛遣勇士躡雲梯宵登斬關納外兵塋悉力巷戰兵敗力屈而死

馬 塹塋弟咸淳中知欽州徙邕州撫諸蠻及治關
隘皆有條理邊陲晏然宋亡塹因留靜江總屯戍諸
軍守城元將阿里海牙以兵夾攻塹兵敗海牙使人
招降塹發弩射之攻三月前後百餘戰訖無降意城
破塹率死士巷戰被執殺之斷其首猶握拳起立踰
時始仆

金郭蝦蟆會州人以善射應募累立戰功官蘭會洮河
元帥大興初西州望風降元蝦蟆堅守孤城集州內
金銀銅鐵雜鑄爲砲殺牛馬食戰士悉焚廬舍積聚

甘肅通志

卷三十七

忠節

八

曰無使資敵軍士死傷過半益奮力死守度力不支
乃命積薪州廨呼集家人及城中將校妻女將焚之
城破猶塵戰良久士卒弓盡矢絕者卽先挺身入火
中蝦蟆獨上大草積發三二百矢皆中矢盡自焚死

明王良輔隴西人正德間以國子生授河南沈邱縣學
訓導汴東盜起流劫郡縣賊至城下良輔督兵防禦
竭力拒賊城陷良輔帥子禮諸生陳善等與賊接戰
被執罵賊不屈與禮及家人俱受害當路奏聞賜恤

程 斌會寧人爲戎伍總旗有勇畧先是虜犯蘭靖

遊擊哈欽與戰敗績幾爲所及斌力抹得免萬曆二年西番劫階岷境總兵孫國臣以斌爲先鋒斌手刃番賊百餘人焚斃不可勝計後入叢林失歸路被殺軍門爲護其喪葬具奏厚恤其家

劉躍龍安定人舉天啟元年鄉試任河南開封府同知威治豪強惠撫小民解任歸適當閩寇龍盡出已襄善城郭募鄉兵爲捍禦計城破罵賊不屈而死趙率教靖遠人萬曆中歷延綏參將屢著戰功爲將廉勇待士有恩勤身奉公勞而不懈經畧袁應泰薦甘肅通志

卷三七 忠節 九

擢副總兵以樞輔孫承宗令編次難民爲兵悉加精練餘給牛種屯田承宗上其功於朝擢總兵官右都督後因戰中流矢陣亡贈恤立祠

關永傑字人孟鞏昌衛人狀貌奇偉登進士授開封推官強直不阿攝府事興利去患民畏愛之以憂歸起官紹興遷兵部主事擢河南按察僉事備兵陳州多異政時李自成擾亂中州永傑繕城修備率士民分堞守賊遣使說降斬其頭懸之城上賊怒攻破之永傑格殺數賊身中數刃大罵而死事聞恤贈光祿

寺卿

戴 天安定貢生闖賊陷鞏昌屬縣皆降獨安定拒
守賊圍城邑人欲開門迎降天與貢生張國統甲冑
至縣堂按劍號令誓死守城城陷與統死之時諸生
張大才同弟大訓分守南城城陷不屈罵賊死監生
張大韶陞城死僕孛兒亦死

李茂實隴西人歲貢授青州府通判時饑民嘯聚劫
掠州縣茂實自本城至新泰縣八十餘戰屢挫賊鋒
旣而衙兵潰散茂實力戰遇害瀕死罵不絕口

甘肅通志

卷三十七

忠節

十

崔弘宇鞏昌衛世襲百戶明末流賊薄郡城勢甚熾
巡按賈多男坐東城樓陳兵簡將令出師破賊諸衛
弁懼弘宇獨請行賈降坐與揖把酒手扶上馬出東
郭與賊遇弘宇善射賊應弦落馬乘勝追殺之矢盡
遇害賈哭之慟關永傑爲文誄之

張 傑隴西生員李賊破西安袁宗弟取鞏昌傑倡
義糾衛弁崔光祖等據寧遠曾班山思欲恢復鞏昌
自成逆將攻山破之傑罵賊死妻李氏亦殉其難

王保民安定庠生賊李自成攻安定保民號於衆曰

協心堅守賊進城無噍類矣率諸子姪力戰三晝夜
兄保泰弟保貞子敬俱庠生一時同被賊刃姪孫弘
毅射殺二十餘賊賊多識之入城碎其屍同時監生
陳周鼎庠生石瑄高朝鳳罵賊不屈死康維新李洲
楊毓秀陳周瑞陳周哲俱墜城死楊中葵巷戰死劉
翹名楊九儀王璽薛三戒楊道泰與保民同議守城
者賊指名審訊皆不屈被殺義民棺柩張問行孫邱
子應泰張一才張懋齡李太昇王臣竭力捍守手刃
多賊俱被殺

甘肅通志

卷三十七

忠節

十一

馮維京通渭諸生貧不自給爲人訓詁性耿介明末
闖賊寇渭維京攜其婦避於水岔遇賊叱之跪維京
指賊大罵賊斷其足罵不絕口而死

張永祚字錦基通渭諸生少失父奉母至孝明末闖
賊圍渭永祚登城以守時勵於衆矢石盡永祚知不
免乃持盃酒與母兄訣城陷賊露刃逼降永祚張目
大罵卽投井中死次日扶屍出神氣如生怒目未瞑
溫元春拔貢郭梁監生杜桂枝金章王汝盤生員皆

寧遠人明莊烈帝殉國五人散家貲募丁勇以大義

激衆衆多從之其後勢不敵俱死于難無一人肯降
脫者

薛國正西和庠生明末流寇破西和國正率鄉兵迎
戰于西門巷口衆皆逃潰賊圍之挺身力戰矢下如
雨罵賊自刎而死巡方旌其忠烈

王國興靖遠選貢授山東壽光縣丞署縣邱遭闖賊
變殉難死

房加寵靖遠人任四川綦江參將歿于戰

徐承斌岷州百戶崇禎四年領兵赴秦州勦流寇陣

甘肅通志

卷三十七

忠節

七

亡

楊承芳岷州衛指揮僉事陞環縣守備回籍賊登城
承芳率家僕數十人拒戰復抵賊壘大戰壘河之南
死於陣

梁建中岷州衛諸生崇禎七年十一月初一日夜賊
踰城而上建中上城拒之復繞城大呼城中人起時
建中遇害賊亦帶傷而下城賴以完

曹思正岷州人以孝廉授河南襄城令米櫛自矢襄
人愛戴之李自成陷城遂殉於難

丁光耀光彩洮州庠生明末流寇圍洮光耀等奮不顧身出城與賊血戰而亡

王廷璋洮州歲貢歷任四川璧山知縣致仕回家流寇至洮不食而死

吳 緯西固人明末任直隸巢縣訓導李賊破巢罵賊死之

皇清杜懋哲直隸人順治四年任岷州同知立法嚴整諸
弊悉除五年四月回賊作亂執懋哲欲降之懋哲罵
不絕口被害

甘肅通志

卷三十七

忠節

三

劉繼祖順治三年補道標中軍守備值回變率兵巷戰死之

韓國元棗城人由行伍任西固守備康熙四十八年
番夷猖獗搶掠邊民國元身先士卒與賊戰殺數十
人力屈遇害

洪 章同安人西固所千總康熙四十八年番賊犯
境守備韓國元率兵堵禦章亦督鄉壯奮勇擊賊鄉
民潰章力竭遇害

李邦棟靖遠人四川成都府遊擊順治十八年征茅

甘肅通志

卷三十七

忠節

齒

晉皇甫重字倫叔安定朝那人性沉果有才用爲司空
張華所知元康中爲秦州刺史重弟商爲長沙王父
參軍河間王顥遣四郡兵攻之商間行齎帝手詔使
四郡罷兵令重進軍討顥顥捕得商殺之又旣敗重
猶堅守四郡築土山攻城重輒以連弩射之所在爲
地窟兵不得近城將士爲之死戰後知商爲顥所殺
無外援遂遇害

張肅執弟寔叔父建威將軍以京師危逼請爲先

甘肅通志

卷三十七

忠節

五

鋒擊劉曜寔以肅年老不許肅曰受晉寵秩劄符列
位今國運方艱朝廷有難不奮何以爲臣寔以軍旅
非耆老所堪終不用旣而肅聞京師陷遂悲憤而卒

隋皇甫誕字元慮安定烏氏人少剛毅有器局周畢王
引爲倉曹參軍隋高祖受禪爲兵部侍郎出爲魯州
刺史復爲膳部侍郎俱有能名遷治書侍御史朝臣
無不嚴憚上以百姓多流亡命誕爲河南道大使以
檢括之及還奏事稱旨上甚悅命判大理少卿尋轉

尚書左丞時漢王諒爲并州總管朝廷盛選僚佐上

以誕公方著稱拜并州總管司馬總府政事一以咨
之及煬帝徵諒入朝諒發兵作亂誕數諫止不納因
流涕曰願王奉詔入朝守臣子之節如更遷延陷身
叛逆求爲黔首不可得也諒怒囚之及楊素將至諒
屯兵清源以拒之諒主簿豆盧毓出誕於獄協謀閉
城拒諒諒襲擊破之抗節遇害帝以誕亡身殉國嘉
悼久之下詔褒顯贈柱國封弘義公諡曰明

朱郭 許德順中安堡人宣和中從軍積官至武經郎
爲涇原第八副將金人犯陝西渭帥以下叛降獨許

甘肅通志

卷三十七 忠節

六

不從乃下之獄脅使降許奮呼曰大丈夫今得死所
矣終不爲叛逆爲天地所不容吾死當訴爾於地下
耳衆惡其語卽殺之建炎間贈武翼大夫忠州刺史
劉惟輔涇州人以同州觀察使爲熙河副總管金人
旣得秦州經畧使張深遣惟輔將三千騎禦之惟輔
留軍熟羊城以千八百騎夜趨新店黎明短兵相接
殺傷大當惟輔舞稍刺其先鋒將字堇黑鋒洞胸墜
馬死敵爲奪氣退深檄隴右都護張嚴往追之與曲

端期而不至遇伏死惟輔自問道得歸金人掠熙河

惟輔顧熙河尙有積粟急出焚之金人追及執惟輔
誘之百方終不言金人怒摔以出惟輔奮首曰死大
斬卽斬吾頭豈汝摔也卽閉口不復言而死贈昭化
軍節度使官子孫十二人立廟成州號忠烈

明巨 敬靈臺人初爲御史伉直敢言建文中擢戶部
主事充史官清慎有聲靖難兵起與陳迪同被逮責
問不屈死之滅其族後諡節愍

闕 鉦字靜之涇州人舉成化八年進士授戶部主
事陞大同知府陝西饑鉦分俸涇州以賑活族人守

甘肅通志

卷三十七 忠節

七

大同六年多惠政陞山西參政代王乞留以參政秩
知大同又三年遷江西參政大同民爲立去思碑遷
貴州布政使福米祿作亂以鉦帥兵討之至安南衛
裨將潘江輕敵深入鉦屢言不聽後同敗死贈禮部
尙書蔭子賜祭葬

王績宗字繼志靜寧州人習騎射弘治間國子生正
德間授羅山主簿時流賊猖獗汝南府州縣多陷羅
山舊無城績宗督工築城垣復引淮水灌注濠塹賊
入寇羅山保全時都御史彭澤委領汝南各州縣民

兵數千遇賊奮身當先每多克捷常奪獲婦女輜重頭畜不可勝計澤復令信陽衛指揮沈鏜連兵合營賊復攻羅山續宗同鏜發民衛兵與賊衆對敵鏜敗走續宗勢孤賊衆攻圍挺身深入賊營格殺數十人賊見其驍勇重圍誘降曰吾朝廷臣子奉命勦賊肯從狗彘同生遂被殺事聞卹廕立廟羅山祀焉

齊敏字克曾隆德人爲浦江縣主簿高陽土賊作亂敏率兵討之戰歿贈浦江縣知縣立祠曰忠勇廕孫入監

甘肅通志

卷三十七

忠節

六

齊人恩字承之隆德人敏孫以祖父廕初授鴻臚寺鳴贊陞河曲知縣有惠政治縣九年考最當陞遷百姓守闕乞留朝廷嘉其治理命光祿寺署蔣琅齋金幣賜之尋陞無爲州同知倭寇叛抄掠州境恩率弟姪親黨十一人督吏民討死之十一人俱歿於陣事

聞贈光祿寺丞廕子入監

朱弘道崇信人萬曆年間貢以霍州判官歸值寇亂

堅守不避同邑令龐瑜赴難事聞贈陝西都司經歷

梁孕龍崇信人邑學生爲寇所獲欲殺之龍不少屈

寇曰但能屈膝施詞則生汝矣龍曰吾名教正人肯受汝賊奴辱耶碎口裂舌至死弗變

楊泰運隆德縣諸生爲人磊落不羈明末賊克隆德被執泰運見賊不屈賊叱之跪泰運曰殺卽殺膝不屈遂罵不絕口賊怒斷其舌齧殺之

楊泰初隆德人性剛介明末貢生授松江府通判去官賊陷隆德泰初率其子諸生善同赴井溺死

張士俊隆德縣諸生賊克城士俊與妻齊氏並三子俱赴井死

甘肅通志

卷三十七

忠節

五

朱傑軒平涼人明末闖逆陷西安西向平涼傑軒知城難保率妻及子女闖家服藥死

孟肖池平涼人醫藥爲生明末闖逆陷潼關肖池見賊勢漸近服藥死

平涼馬夫失姓名明末隨驛使逢賊賊殺使留馬夫誑賊至城下大呼賊至賊怒磔之

呈清郝全善固原提標前營遊擊從奮威將軍王進寶討吳逆戰於永寧被執堅不從逆絕食六日而死

馬明雨鎮原縣典史康熙十四年值王輔臣之變城

破遇害

甘肅通志

卷三十七

忠節

三

慶陽府

宋張吉合水人熙寧三年爲懷安鎮守烽卒夏人乘常人寇東谷掠得吉脅至城下使呼曰諸砦已破宜速降吉反其辭曰努力諸砦無虞賊糧盡去矣不可降賊怒殺之罵不絕口而死事聞贈內殿崇班錄其子

明景清真寧人生有異質讀書過目成誦性剛介初赴舉宿淳化民家有女爲妖所憑是夕妖不至曰吾避景秀才也女父語之清書景清在此四字令粘其

甘肅通志

卷三十七

忠節

三

戶妖遂絕洪武二十七年進士及第授翰林改監察御史太祖召見命署都察院左僉都御史建文初擢左都御史以剛直聞靖難兵起清率師戰白溝河乘勝追之將及馬蹶而止成祖卽位方孝孺練子寧輩俱相繼死清獨詣闕自歸命仍其官委蛇侍朝人皆疑之欽天監奏文星犯帝座甚急成祖故疑清及朝清獨衣緋遂收清得所帶劍曰欲爲吾君報仇肆罵斷其舌清含血直前噴帝衣帝殺之剝其皮實以草

繫朝門族其家後帝出草人忽斷索向前爲犯駕狀

是後精英迭見時人殿庭爲厲遂赤其族宣德間諸
建文時死者皆忠臣乃得贈諡

魏 璽慶陽人世襲指揮領兵戍安邊營成化初毛
里孩將三萬衆掠安邊伏其精騎以老弱牧誘城下
璽悉兵擊之敵佯敗追至師婆澗伏兵四起軍被圍
無水者七日飲馬血併力突陣璽手殺數十人身被
九矢墜馬而死朝廷憫其忠節賜諭祭

張 羽慶陽衛人襲指揮遇賊至主將謀遁羽示以
忠義緣營督戰軍士殊死無不一以當百賊衆我寡

甘肅通志

卷三十七 忠節

三

全軍覆沒羽猶鏖戰至夕力竭被害

麻 僖字立軒慶陽人父永吉湖廣按察使以清操

聞倍舉萬曆三十五年進士授翰林庶吉士改兵科
給事中疏陳納諫諍舉枚卜補大僚登遺佚速考選

數事劾湯賓尹四十五年京察請按察司知事天啟
二年起太常寺少卿五年魏忠賢亂政御史陳世倌
劾之落職居家三十年布衣糲食不涉公庭祭未李
自成陷慶陽不屈死之伯叔子姓同死者四十餘人

趙邦清真寧人進士囚奢寇之變起四川遵義參議

招撫降叛恢復地方深入藺穴殉難捐軀追贈光祿寺少卿蔭一子邦清任吏部時以本縣貧累疏革鹽商協濟邑人德之建祠立碑申請從祀

李增環縣人歲貢歷授通判同知自刎穎異博學膽畧出衆每以忠義自矢及遇變獨立十字街賊衆擁至縣前大罵被殺

郭伏羗環縣人指揮防守曲子鎖賊入伏羗隻身血戰立殺數賊而亡

王信寧州人天性純孝幼好讀書敦大節居家遵

甘肅通志

卷三十七

忠節

三

行文公家禮父歿廬墓三年頂土築墳不食鹽醋菜果遭疾幾危母病信年已六十母臨終泣囑戒勿廬墓乃居祠三年足不出戶齋素哀毀一如父喪由歲貢除靈壁訓導遷知正陽縣出勦土寇遇流賊猝至兵敗被執賊擁信脅降羅山縣信大罵不從斷頭剖腹而死閱四日其子來覓猶舒指握子手贈光祿寺少卿諭祭葬

朱國禎環縣歲貢授昭磨免官村居賊執國禎給環

城禎臨城呼曰幸固守城賊怒殺之

任秉衡環縣人貢生德行兼優節義堅固遇變株守孤城至死

張弘道環縣人吏員授武邑縣典史賊至赴敵而死人稱義勇

曹爾奏環縣人素明大義志節凜然賊入城與子庠生天心同罵賊而死

任崇德安化生員明末與同學生員陳三仁俱爲賊執交口叱罵詞義激烈賊怒碎其屍

李彛安化生員率鄉兵擊賊戰死子之元闖賊入

甘肅通志

卷三十七

忠節

十四

關晉以殉難曰吾父旣成仁我亦當取義及城陷自縊而死巡按旌其門曰俠烈真儒

石瑄安化生員明末城陷瑄衣冠端坐賊至大罵之且曰死爲明鬼不作賊人賊怒刃死

蘇升階合水人生員明末賊剋縣階被執賊索金帛階厲聲大罵至死不改色道府旌其門曰罵賊捐生段復與字仲方陽穀人歷任分守慶陽道明末罵賊入關旁郡皆陷賊檄諭降復與裂其檄集兵固守賊

圍城數匝復與發砲殺賊滿濠日夜守禦度勢不可

支預置妻妾子女於樓積薪其下拜辭其母攻四日
城陷復興趨署火其樓母踊火自焚子小瑞方十一
歲有僕引出見火起大哭奔入火中婢僕皆從之復
興復抵城上往來殺賊數十輩而後自殺慶民興復
興屍葬於西河坪立祠祀之

甘州府

唐烏承恩張掖人天寶末爲信都太守河北諸將欲迎承恩鎮常山承恩以無詔命不從及史思明降上以承恩爲范陽節度副使令陰圖之謀泄爲思明所殺明王綱甘州中衛人授本衛指揮正德初敵兵大入綱與都指揮祝泰指揮王佐追之至把鷄兒地方轉戰三晝夜援兵不至泰佐俱戰死綱力戰獨久殺賊甚多力竭被執刎腸支解之

甘肅通志

卷三十七 忠節

美

路保甘州衛人中衛百戶嘉靖三年回賊寇甘州堡寨多破保固守畢家堡賊攻圍旬餘援救不至堡陷被賊執磔之

葛永甘州衛人明末以隨征參將調河南勦流賊永有威名賊呼爲葛鷓子援兵不至被害

高國恩甘州衛人明末以行都司奉調河南勦賊每臨陣奮勇先登力竭被執不屈死之

羅一貴甘州衛人在鎮海參將征沙嶺陣亡奉旨旌獎

歐陽袞甘州衛人在臨洮副將袞守甘州闖賊圍甘

數日不退焚其家屬城陷巷戰而死

段自宏字海若甘州衛人知山西垣曲縣有清望已
行取竟辭疾歸闕賊犯甘宏捐資餉士與郡紳羅俊
傑同守西城城陷被執罵賊自刎死

童志道甘州衛人任靖遠衛教授致仕歸闕賊陷衛
城志道肅衣冠端坐賊至遇害著有恒心錄良知圖
二書

羅俊傑甘州衛人鎮海參將一貴子任山西宣府總
兵致仕歸闕賊渡河圍城捐資助餉盡力堅守城陷

甘肅通志

卷三十七 忠節

七

自縊死

高登科甘州衛人投行都司城陷被執不屈見殺

萬 垣甘州衛人撫標遊擊同巡撫林日瑞守城殺
賊甚衆城陷戰死於市賊恨之磔其屍

姜弘基甘州衛人任屯都司闕賊陷城罵賊不屈死
之

張 攀甘州衛人任洪水營遊擊城陷被執不屈死
之

姚世儒甘州衛人任鎮標營都司闕賊陷城率衆巷

戰力竭自焚死

劉國棟甘州衛人任固原副將子燦任千總城陷父子率親丁巷戰殺賊甚多力竭一門俱焚死

趙宗禮甘州衛人官遊擊年七十餘解任家居賊陷城僕欲負其幼子金剛保以逃禮曰設不得脫必爲賊隸遂手刃之閭家俱焚死

趙宗祝同子家俱指揮城陷父子率親丁巷戰力竭命妻妾投繯死父子俱勿

楊威甘州衛人任寧夏洪廣營遊擊頓直不阿因

甘肅通志

卷三十七 忠節

三

忤當道解任歸闔賊陷城被執罵不絕口賊恨之斷喉折脛而死

姚天寵甘州衛人官指揮闔賊陷城率家人迎戰被殺閭家放火自焚死

張洪勳甘州衛人官指揮闔賊入城躬披甲胄率家僮巷戰殺賊無數力竭自焚死

王嘉官甘州衛人官指揮賊入城持弓矢升屋射殺賊數十人賊率百餘衆圍攻遂自刎

李汝璋甘州衛人任阿壩嶺遊擊致仕回籍闔賊入

城同子起鳳集鳳祥鳳射賊俱被殺

朱文選甘州衛人練兵守備闖賊至調度守城大有方畧城陷同貢生張之衡縊死於茶馬司署中

李棲鳴甘州衛人官指揮闖賊入城披甲躍馬突出衝戰殺賊甚衆力竭自刎

羅俊士俊傑弟闖賊圍城城陷被執遇害

郭秉忠羅俊傑家將闖賊入西門忠提大砲打傷賊首數人被執罵不絕口遂被殺

張之衡甘州衛貢生善射賊至盡力守城射傷甚衆

甘肅通志

卷三十七

忠節

无

城陷同朱文選縊死茶馬司署中

保獻書甘州衛貢生賊至守城防賊掘壕及城陷被害

張聖翼甘州衛生員闖賊至城陷遂被害

蔣明理甘州衛生員賊圍城巡撫命理同貢監生員百餘人四面提調堅守城陷被害

童士楷甘州衛生員城陷被執極口罵賊不屈死

康萬秋甘州衛生員城陷同家人俱自縊死

丁掄甘州衛生員闖賊入城罵不絕口賊怒縛於

西街坊杜炮烙而死

康國新甘州衛生員獻平寇十餘策悉中機宜城陷
被執不屈被害

費國興甘州醫學賊入城陰藥酒毒賊賊覺被執殺
祁士英甘州民鬪賊陷城衆執兵殺賊力竭回家
同妻子自焚死

馬騰錦甘州民鬪賊陷城錦殺妻武氏抱二子投火
死

梁進德甘州掾吏鬪賊陷城登樓發矢射殺數人矢

甘肅通志

卷三十七

忠節

三

盡自刎死

周公臺甘州民鬪賊陷城戰力竭同妻子自焚死
陳通法甘州民鬪賊圍城法積薪於宅內待之隘巷
殺賊數人舉火焚室閭家俱死

郭世潔甘州民鬪賊陷城持刀而出格殺數十人力
不能支赴家殺其妻復出擊賊遂被害

馬 曠山西蔚州人甘肅總兵明末奉檄下河西勦
殺闖賊及抵臯蘭聞西安諸郡俱陷賊勢猖獗以兵

寡不足禦敵勸肅王渡河爲恢復計王不聽曠以封

疆爲重回甘同巡撫林日瑞副將郭天吉嬰城守禦
督率士卒殺賊無算越五日城陷曠急入署焚妻子
勝妾仍率副將歐陽袞巷戰時日晡城內火起矢盡
被執不屈自刎其僕馬虎見曠死亦自刎死

皇清張文衡開平衛人順治五年巡撫甘肅值逆回米刺
邛叛遇害

劉良臣北直人順治四年任甘州總兵米刺邛久蓄
叛謀欲圖之而未敢發會調兵征湖廣茅蘆山刺邛
佯言兵變誘良臣至北關遂被害

甘肅通志

卷三七 忠節

三

林維造詔安人順治初分巡甘山道翦除闖賊餘黨
其未發覺者內不自安潛結米刺邛作亂遂被害於
甘州之北關

黃得功奉天人任遊擊逆回米刺邛謀叛得功覺之
密獻計於總鎮劉良臣未及制爲賊所殺

高天福張掖人任提標守備以招撫噶爾旦至哈密
爲賊所執迫脅不屈支解之

康 秦張掖人由行伍從振武將軍孫思克勦滅噶

爾旦著有戰功官至四川提督康熙五十七年統兵

進藏遇敵陣亡

康 海泰之弟張掖人征勦噶爾旦所向有功歷陞
涼州總兵官康熙五十七年領兵進藏陷陣而亡

甘肅通志

卷三十七

忠節

三

涼州府

晉賈 疋字彥度武威人魏太尉詡之曾孫少有志畧
器望甚偉初辟公府遂歷顯職遷安定太守愍帝以
疋爲驃騎將軍雍州刺史封酒泉公時諸郡百姓饑
僅白骨蔽野百無一存疋帥兵將伐長安西平太守
竺恢亦固守劉曜等距疋先攻竺恢不克疋邀擊大
敗之追至于甘泉旋自渭橋襲胡彭蕩仲殺之遂迎
秦王爲皇太子後蕩仲子夫護帥羣胡攻之疋敗走
夜墮于澗爲夫護所害疋勇畧有志節以匡復晉室
甘肅通志

卷三十七

忠節

三

爲已任不幸顛墜時人痛惜之

隋陰世師武威人壽子性忠厚多武藝拜儀同張掖太
守甚爲戎狄所憚後遷左翊衛將軍與代王留守京
師唐兵至世師以世荷隋恩拒守城陷見殺

元王弘功平番人有才武世爲本郡守禦至正五年盜
賊蠱起有土寇犯城弘功提兵不過百餘奮勇捍禦
鏖戰矢盡被賊生擒不屈碎屍事聞卹贈

明劉 林武威人任涼州百戶洪武十年二月也先帖

木兒攻涼州林禦於寶融臺力戰而死事聞上嘉其

忠勇遣祭于臺下後人因名其臺曰劉林臺

吳克忠恭順伯永誠子襲父爵洪熙初進侯正統元年征兀良哈有功土木之變克忠與弟克勤爲後拒寇突至戰不勝官軍死傷畧盡克忠下馬射矢盡猶殺數人與克勤俱歿于陣贈邠國公諡忠勇

吳克勤都督與兄克忠同戰死贈遵化伯諡偉敏

脫脫卜花永昌衛人永樂八年春土達兀馬兒沙等謀叛卜花發其奸報甘州總鎮賊執其妻子掠其財畜卜花度志弗伸自刎死事聞上嘉其忠直特陞其

甘肅通志

卷三十七 忠節

三

子好帖木兒在本衛所鎮撫賜襲衣冠帶鈔段并卹其家被掠牛羊駝馬官給還其孫朶兒只正統九年以功賜趙姓歷陞指揮僉事

毛 忠字允誠扒里扒沙人累世立戰功封伏羌伯充甘肅副總兵成化間討滿四與其孫鎧奮戰俱死砲架山事聞憲宗賜鐵券贈侯弘治乙卯建祠致祭諡武勇又立忠義坊以表之

嚴 璽古浪人體貌魁梧智勇過人襲父職授涼州

衛千戶改古浪守備署本所事愛恤軍士禦虜有法

墾荒田鑿河渠置義倉立社學周貧恤寡凡有益於
地方者靡不爲之正德間北虜入寇逼本所時盛暑
璽晝夜不解甲往來防禦且乘隙擊之賊遂去一方
賴以保全丙子因防送行客追賊番力戰而死平生
仗義臨難不苟巡撫奏請立祠以祀右僉都御史孟
泰爲碑記

張 達涼州人慷慨負奇節膂力絕人嘉靖中累官
都指揮僉事充延綏遊擊改參將守莊浪擢都督僉
事山西總兵官駐寧武寇大入太原坐逮詔獄繫部

甘肅通志

卷三十七 忠節

壹

曲攀號如失慈母命赴軍前立功進總兵官鎮延綏
改大同俺答入塞巡按御史胡宗憲趨達出師不得
已率所部出達素勇敢好離營繞關至是挺身陷陣
寇兵圍之數匝矢如雨達左右突不能出遂歿事聞
贈都督諡忠剛立祠賜祭葬

彭汝爲鎮番人以戰功授礮伯守備嘉靖三十四年
番夷劫餉汝爲挺戈逐之爲番衆所圍孤身力戰中
傷二十七處支解而死事聞卹贈建祠致祭

文 振永昌縣人嘉靖四十一年襲職千戶海夷人

犯黑澇池振單騎馳救奮勇力戰陷陣而亡其僕文順殉主難亦衝鋒死

趙思義永昌縣人襲千戶嘉靖四十三年海夷大舉入寇官軍失利思義身先士卒出入血戰陷陣而亡其僕趙忠亦衝陣死詔卹贈

王 錄鎮番生員同千戶孟清隨參將李愷於柳條灣禦虜陣亡贈百戶

祁 恩鎮番人百戶率兵禦寇於邑之十里墩戰死

張顯謨莊浪人甘州總兵崇禎七年春插漢犯甘京

甘肅通志

卷三十七 忠節

美

率兵進勦扎營三岔堡用火車火器布爲五層練以鐵索忽黃沙蔽天敵乘風放火困官兵於烈焰之中遂大潰謨左右衝殺射死酋虜無算矢盡猶步戰十餘合而歿事聞賜祭葬世襲錦衣千戶勅建忠孝元戎坊

魯映昌莊浪土司任西寧副總兵崇禎十四年闖賊已陷西安上疏欲請肅王據甘肅以圖恢復不報誓以死殉國遂詣連城散家財享士卒提兵至西大通遇賊將賀錦揮兵奮戰部卒被傷殆盡遂亡於陣

魯希聖莊浪土司世襲指揮闖逆賀錦設計擒之愛其剛勇迫脇萬端毅然不屈且哭且罵淚盡繼之以血守卒稍懈脫身入山不知所終

李昌齡鎮番人總兵震孫明末任榆林總兵闖寇變與兵備道都任集榆紳弁侯世祿尤世威等據城誓守以強弩大礮擊賊殺萬餘人賊以衝車穴城城陷昌齡等巷戰數十合被執賊脅之降不從賊斷其脣割其腿與都任等四十八人俱就義而死其妻並舉家數十人皆自殺任與世祿世威等家屬俱自焚

甘肅通志

卷二十七

忠節

七

陳則從平番生員甲申聞京城陷莊烈帝殉社稷謂子大勳曰謝枋得何如人耶遂不食積九日而死馬良御鎮番人由指揮任蔡旗堡守備調征湖廣流寇與張獻忠對敵被執不屈支解死

皇清張鵬翼昌平人順治四年任分守涼莊道參議中正廉明五年死於逆回之難

張仲金武威人官把總康熙三十五年隨振武將軍孫思克征勦噶爾旦奮勇先登歿於陣

李蘭鎮番人新城堡守備康熙五十七年進征西

藏於哈喇烏蘇隨總兵康海兵戰矢盡陣亡

傳 瑾武威人西寧千總俸滿歸家雍正元年莊浪番夷作亂涼莊道蔣洞團練民兵以瑾爲統領二年正月率衆攻打石門寺與鄉民吳廷周田棟愈仲宗力戰陣亡

陳 昌武威人莊浪把總雍正元年番夷作亂隨提督楊進善進勦棹子山遇賊奮勇戰死

甘肅通志

卷三十七

忠節

三

寧夏府

明王 叔寧夏人陝西都指揮鎮守寧夏永樂辛卯與賊戰于河西被重創死同時有指揮諸鼎千戶沈傑亦戰歿

許 頤寧夏人都指揮守備靈州天順間追寇至河套鹿泉頤乃據險掣全軍回力戰射死酋長數人又斃酋子三人力盡自刎敵乃剝其肉煮其骨以灌駝王 震寧夏人指揮成化四年石城滿四作亂與鎮人蘇諒同領軍戰死

甘肅通志

卷三十七

忠節

七

趙 璽寧夏人指揮弘治六年與賊戰靈武口廟山墩下遇害

姜 漢寧夏人總兵正德五年寘鐻爲變賊黨禪漢威名伏兵府署詭致漢執之漢數其負國背叛之罪罵不絕口被殺臨死其氣益厲

李 睿寧夏人都指揮寘鐻之變憤罵不屈爲亂軍所害事聞賜祭廢險

楊 忠中衛人官寧夏都司逆鐻變叛并擁衆入行

臺殺巡撫安惟學忠執杖擊賊爲賊所執罵愈烈賊

怒碎其屍于都堂事聞賜祭襲庶

張 欽寧夏人右衛百戶寘鐸變欽不肯臣逆自縊
於演武場事聞庶子表門

成 賢寧夏人膽勇出衆嘉靖十三年套騎四萬餘
入寇賢從總兵官王劾爲前鋒率八百騎迎于秦壩
力戰移日賢獨當一百虜被傷者衆因併力攻之遂
死事聞庶子梁爲都指揮

楊 璘寧夏人爲神木參將與賊血戰而死

李 時寧夏人指揮嘉靖三十二年領兵入衛行至

甘肅通志

卷三十七

忠節

四

浮圖峪遇賊血戰一日殺敵頗多碎屍而亡虜自是
不敢入犯以捍禦功建祠祀之時鎮人戰死浮圖峪
者指揮張第江雷百戶楊汝松周時

戚 文寧夏人指揮驍勇素著虜畏之不敢近邊猾
者以計誘之出伏兵邀截文遂力戰死

韓 選寧夏人都指揮嘉靖三十二年敵由橫城入
選以千總從總戎姜應熊出禦奮勇堵截自卯至酉
力竭而死爲賊碎屍靈州不失皆其力也事聞贈卹

建祠致祭

李承恩寧夏人原任守備萬曆二十年謀擒倅劉機
泄被執不屈爲賊所殺其子佩見父死卽渡河請兵
欲報父仇被縛挺立罵不絕聲爲賊磔死又陳漢寧
夏人百戶撫標供給官賊忌之與承恩同日見殺
安宗學寧夏總旗賊索總兵符邱旗牌宗學不屈被
執殺之

陳棟寧夏人原任遊擊以驍勇聞萬曆二十年倅
劉之叛與原任守備朱綬謀擒賊事覺賊殺棟縛綬
于北樓殺之

甘肅通志

卷三十七

忠節

望

王徹寧夏把總曾揭倅拜父子青海侵冒錢糧不
法事於經畧至是謀賊不密倅許以恨殺之

周哲中衛學生萬曆二十年倅拜反遣僞將王虎
攻中衛參將熊國臣棄城走哲招集士庶分城據守
叛弁韓范爲內應城遂陷賊怒哲等拒守欲殺之或
勸哲往見求解哲怒觸柱曰寧死耳肯屈賊求生耶
賊猶欲收人心未卽殺越數日出攻他城留左右十
餘人哲偵知卽令其子約同志僞賀各藏兵器擇家

僮之健者將羊酒隨入虎聞紳士來喜出迎甫拜揖

遠擊之虎被擒殺餘賊十餘輩其黨乃逸時總督魏
學會駐兵下馬關聞中衛從賊遣兵來討此至以賊
殺獻乃按兵而入中衛得全皆哲之力哲事親孝黃
元會作忠孝紀畧載其事

李金寧夏人謀刺許朝事覺父子俱戮

張沛寧夏人指揮與百戶施威皆以謀殲賊而死
呂擢寧夏百戶赴鎮河灘驅啣賊牛馬仍運審草
以供征兵賊縛至鎮殺之

李沛寧夏人應襲謀殲賊被執罵賊極烈爲賊所

甘肅通志

卷三十七

忠節

聖

害

王極中衛指揮領兵追啣拜至古場兒被殺賜卹
錢栢中衛人啣拜亂於中衛奮勇堵戰被殺賜卹
張世傑寧夏百戶屢報賊情於王師且輸供芻草賊
執去鞭撻無完膚死

施威寧夏百戶守李剛堡偵賊動定報平鹵將官

仍約弟男內外同謀除賊賊執而殺之

蔣三重寧夏人謀殺僞把總雷鳴機泄被執不屈罵

賊裂眦而死

姜應奎寧夏人同宗子謀獻東城于官軍且約刺賊賊拘諸宗子遍受箠楚獨支解應奎時陳文通孟舉張大勳亦會議獻城賊俱殺之

納 賦寧夏生員因其姪指揮納舟從廣武渡官兵許朝執賦并其子楫族人納坤納稅納福納書等殺於市磔其家

高 蓋寧夏健丁追賊入北門內蓋無後繼遂爲賊所縶

陳 縉寧夏人常信堡官殺賊黨三人賊執至鎮支

甘肅通志

卷三十七

忠節

望

解之妻梅氏自縊死

張伏三寧夏常信堡民堡官陳縉恨賊黨張堡等逼取民間牛車芻米豬羊鴛鴨爲害殺堡賊誘縉出城縛去伏三與堡民張大經胡希禹李現潘奉謝邦林等追救縉賊伏突起執伏三等六人同縉支解

孫九齡寧夏人賊邀入黨不從斷其手膊仍梟之

趙承先寧夏人指揮與鎮人指揮戚卿張佩等同謀獻西城納官軍策就密報西營將領以城中火起爲

號至期城外杳然乃遣武生張遐齡絕城下往促兵

賊覺分布緝捕同謀死者趙承先戚卿張佩而外爲
武生陳松等鎮民陳九叙等軍丁賈謨等皆死之
任天慶慶陽人流住寧夏製鐵杆與張應魁謀擊賊
事洩許朝執二人詰之應魁不伏天慶厲聲曰與應
魁無與汝背違朝廷我恨不得早殺汝耳朝怒縛斬
之

王繼哲寧夏人恃勇設誓擒賊賊執禁古廟殺之
張龍寧夏人掣船東岸以絕賊渡又擒賊黨解靈
州梟示賊恨捕龍至鎮斬之

甘肅通志

卷三七

忠節

四

王琦寧夏人奉軍門令易糗糧賊緝磔死

杜祥寧夏人爲吏識賊掠諸堡祥具稟平鹵營將
官防禦賊失利加祥劓刑刑鬻其肉以飼犬

瞿桂寧夏人其族百戶瞿坊管魏信堡擒殺許朝
族丁朝因拘桂與瞿相瞿樞瞿棟瞿材瞿東瞿尙禮
瞿尙義八人盡殺之

夏之時寧夏人與鎮人何廷璋生員王懋等三十人
閉南關之北門計欲僞干總馮佐等以酒醉而殺之

遣衷朝絕城馳報遂得南關

蘇彙中衛生員啣拜之變倡義守城遏賊河上靈州保全時同事者掌邱指揮李繼先學正馬文明武進士盧養龍生員金佩等十五人事平奉旨勒石紀功

李世松靈州人性忠直善左右射耕於晏湖墩側插漢入世松率衆拒賊衆寡不敵人悉奔松獨守墩上以矢射賊中者輒斃賊恨甚攻圍益力凡兩日夜松左右大指皆裂見骨身被七創死

史開先都督鏞五世孫歷官寧夏中路副將明季插甘肅通志

卷三十七

忠節

聖

漢入率兵禦敵斬馘甚多陣亡賜贈諡忠烈

耿光榮寧夏人世指揮任玉泉營遊擊插漢入犯奮勇出禦與指揮趙有牧千總周崇雅把總唐國俊許城王朝俱歿於陣皆賜卹典

江孔學靈州人居胡家堡插酋之變賊圍堡孔學登城罵賊城陷孔學自刎一家大小俱罹於難

解文英寧夏人以副將守延安府李自成據關中遣兵至延安文英率衆死守及城破賊授以官文英罵不絕口囚于獄又於獄中約榆林總兵尤世威等舉

義圖恢復賊怒支解之

呂之蔭寧夏貢生授真定通判委攝獲鹿縣篆未旬日寇臨城下蔭率士民堅守七晝夜城破被執罵不絕口死妻劉氏妾張氏偕幼子二人及其奴僕俱殉死蔭受刃亂軍中不辨其骸事定與城中被殺者作二大家別男女而封之勅建祠致祭

王風水寧夏人賊將牛成龍入寧夏風水與指揮彭凌雲等十三人糾合山後蒙古舉義事洩賊磔風水於市凌雲等皆被殺生員保國壁死尤慘醜

甘肅通志

卷三七 忠節

哭

李學牧寧夏人指揮賊將牛成龍知其技勇授以官不應與王風水謀舉義單騎往召河東人圖恢復賊防之嚴不得出或勸之亡去學牧曰賊索我亟必殘殺無辜我一身當之以解衆難遂復人城賊露刃擁之學牧具冠帶北向再拜端坐受刃

鄧 德寧夏人官百戶逆闖檄至寧夏諸宗屬及紳士集慶府議降德排闥入洒淚申大義曰諸公皆欲賣城自全獨不爲王計乎後與王風水等舉義欲誅爲官陳之龍賊將牛成虎謀洩被執挺身仰面受刃

厲聲曰吾死當爲社盡殺賣國臣遂遇害

馬獻圖字興之寧夏總兵馬世龍子以廕補指揮同知李白成據關中勒降不屈械繫軍中至山西侯馬驛殺之弟負圖呈圖俱襲指揮自成遣僞將牛成虎陷寧夏負圖兄弟約表兄彭姓者圖恢復事洩同被害於靈州兄弟殉節人稱馬氏三忠獻圖死時年三十三負圖年十九呈圖年十六

丁孔應寧夏人以世指揮授北川守備陞遊擊闖逆變孔應守義不屈賊擁戈逼之孔應厲聲曰吾頭可甘肅通志

卷三十七 忠節

三

斷身不可屈遂遇害

雍 締中衛人以歲貢任四川仁懷知縣張獻忠入蜀締率百姓死守城破闖家自焚死先是宣和堡歲饑人日逃散締傾貲全活之

蔡應昌興武所千戶任花馬營千總明末羅凸土賊搶掠應昌統兵剿賊自卯至酉力盡血戰而死

鄭威民後衛舉人任遼東寧遠州推官總制洪承疇稱其臨機決策措置有方擢爲遼東監軍道後城破

闖家死難

韓嘉爵寧夏人平虜中軍指揮有勇畧臨陣直前手
刃數十人爲賊支解

孫祚昌中衛鳴沙堡生員明末寇入堡欲降之祚昌
怒罵拔刀自刎賊碎其屍去

黃儒煥中衛永康堡生員明末香山賊攻陷永康堡
人皆順從儒煥獨挺立不屈危言抗賊賊加桎梏絕
其飲食殞

李維新中衛威武堡人業商慷慨多大畧明末賊朱
國端等嘯聚螺山出沒峽口楊柳泉劫殺行旅廣武

甘肅通志

卷三十七

忠節

哭

遊擊奉檄征剿至威武聞維新名委令領民兵入山
合剿旣遇賊維新奮勇獨戰殺賊無數以衆寡不敵
歿於陣遺子淋切妻張氏少後守節撫孤成立烈節
萃於夫婦

包永成後衛人庠生弟永明亦庠生明末賊破惠安
堡聞永成兄弟有技勇欲挾之去不屈爲賊所殺

皇清吳 綉以千總隨總兵陳福出征臨陣先登死於固
原城下子繼統襲其職每臨陣亦奮勇爭先相繼陣

劉進孝總兵體義次子任千總康熙三十五年隨總
兵殷化行征噶爾旦同中營遊擊陳維屏守甕金陣
亡

司九經字聖典寧夏人從征川雲又從征出塞俱有
功績歷任宣化總兵罷職歸康熙五十七年隨征効
力遇敵陣亡

杜呈源寧夏人隨陳福克復定邊以功任本鎮右營
千總後隨征川雲屢立戰功陣亡於建昌

馮 琇寧夏人任固原參將隨征進勦至木魯烏素

甘肅通志

卷三十七

忠節

吳

地方遇準噶爾賊寇與戰爭先殺賊歿於陣

許世隆寧夏人任永固城參將進勦至巴爾庫爾歿
於陣

羅萬倉寧夏人歷任臺灣北路參將朱一貴反亂總
兵歐陽凱戰死府治陷萬倉鼓勵將士堅守賊攻北
路連發大砲擊仆賊旂賊四面圍困萬倉突圍力戰
兵孤無援踰溝墜馬賊以竹篙鎗戳其喉猶揮刀殺
賊而死

西寧府

宋高永年西寧人任西寧知州建中靖國三年夏人寇涇原羅撒合兵逼宣威城永年出禦之行三十里爲羌人所執多羅巴謂其下曰此人奪我國土使吾宗族漂無處所遂殺之

明李淳西寧衛千戶勇敢善戰能以寡敵衆多所克捷嘗承委追撫番族有剽掠者淳直擣廬帳得首惡殲戮之用是諸番恚恨相與發誓必欲生啖淳肉正德十四年追番至內隆卜賊衆拒敵從者潰散淳手

甘肅通志

卷二十七

忠節

李

殺數人力盡被執賊逼令跪淳罵不絕口遂被砍斫死

祁秉忠西寧世襲土司指揮同知以功陞甘州鎮總兵萬曆中西賊入寇力戰死之

皇清馬金良西寧人任守備隨征準噶爾與賊戰奮不顧身兵敗遂自殉死

漢紀 信成紀人項羽圍漢祖於滎陽甚急將軍紀信曰事急矣臣請誑楚可以間出於是陳平夜出女子東門二千餘人楚因四面擊之紀信乃乘王車黃屋左纛曰食盡漢王降楚皆呼萬歲之城東觀漢王得與數十騎出西門遁羽見紀信問漢王安在曰已出去矣羽燒殺信

魏闔 温字伯儉天水西城人魏涼州別駕守上邦令

馬超奔上邦温馳還州超圍州甚急刺史韋康遣温

甘肅通志

卷三十七

忠節

至

告急於夏侯淵温夜從水中潛出明日超追獲之超解其縛使告城中云東方無救温向城大呼曰大軍不過三日至勉之超怒殺之

隋李 崇字永隆隴西成紀人賢子英果有籌畧膽量過人以父封爵時年尚少拜爵之日親族相賀崇獨泣下賢怪而問之對曰無勲于國而勿小封侯當報主恩不得終於孝養耳賢奇之以伐齊功擢開府儀同三司建德初攝太子宮正周武引參謀議以勲進

爵郡公開皇初除幽州總管突厥犯塞崇力戰死諡

曰壯

唐姜寶誼秦州上邽人父遠仕後周爲秦州刺史寶誼
遊太學受書業不盡去爲左翊衛領府兵唐高祖起
兵授左統軍下西河霍邑爵永安縣公與裴寂拒宋
金剛戰於汾州兵合寂棄軍走寶誼被執帝聞爲泣
下曰彼烈士必不下賊死矣厚賜其家果謀還被害
賊平詔迎其柩贈左衛大將軍幽州總管諡曰剛

甘肅通志

卷三十七

忠節

姜

宋曹友聞字允叔同慶栗亭人武惠王彬十二世孫少
有大志與弟友諒千里尋師取友登寶慶二年進士
授綿竹尉倏天水軍教授城已被圍友聞單騎夜入
與守臣張維糾民厲戰罄家財募健士乘高據險身
冒矢石爲士卒先敵敗去檄知天水軍北兵入鳳州
友聞遣統制王漢臣等授以方畧出戰部分諸將各
守一門取間道出戰自提兵乘敵後大戰有功北兵
又自西和至階州友聞引兵與諸軍會命弟萬及友

諒肅通志

卷三十七 忠節

五

諒督戰自冷水口渡嘉陵江屢戰有功夜卽放直趨
青野原截戰圍解特授左驍騎大將軍北兵破沔州
擣大安友聞遣統制王資等趨鷄冠隘王資等出戰
敵乃解去特授眉州防禦使弟萬知同慶府明年友
聞引兵扼仙人關北兵大至友聞語萬曰以寡擊衆
非乘夜出奇內外夾攻不可乃遣弟萬友諒上鷄冠
隘多張旂幟示敵堅守選精銳萬人設伏卽放突戰
會大風雨淖潭深沒足諸將欲待齊友聞斥曰敵知
我伏兵在此緩必失機遂五鼓出隘口內外兩軍皆

殊死戰北兵以鐵騎圍繞友聞殺所乘馬血戰愈力
與弟萬友諒俱死元將汪世顯過戰地歎曰蜀將軍
眞男兒也事聞特贈龍圖閣學士賜廟褒忠諡曰節
牛 皓福津人仕爲川陝宣撫部將紹興五年金犯
秦州宣撫副使吳玠遣諸將分道伺之皓至瓦吾谷
與金將虎山遇皓所部不滿二百乃下馬與戰金將
異皓欲招之皓力戰死有承信郎高萬且罵且戰與
部將任安隊官秦元薛琪張亨皆死於陣後皆贈官
錄其子

甘肅通志

卷三十七

忠節

書

明孟宗孔階州貢生授漢陰諭李賊破漢陰宗孔朝服
自縊於明倫堂贈國子助教

蹇遇泰階州人鄉貢初授高郵州同後陞瓊州府判
解綬歸日較書課子明末李賊破城至其門猶聞讀
書聲賊劈其門而入仗義大罵遂遇害

趙明盛階州恩貢授太原照磨回籍城陷舉家驚逃
其子強之行盛不從賊至其家盛登屋以瓦擊賊賊
焚屋盛端拱北面而死

鍾其碩成縣人貢生任鎮平縣令時值兵荒民多流

離多方君撫百姓復業遇旱登山步禱精誠感格甘
雨立沛修城池建營房創修書院出館穀延師課士
催科撫字備極鞠勞流寇陷城罵賊不屈殉難

甘肅通志

卷三十七

忠節

七

晉宋 矩字處規敦煌人慷慨有志節張重華據涼州以矩爲宛戍都尉石季龍遣將麻秋攻大夏護軍梁式執太守宋晏以城應秋秋遣晏以書致矩矩旣至謂秋曰辭父事君當立功與義苟功義不立當守名節矩終不肯主覆宗偷生於世先殺妻子自刎而死秋曰義士也命葬之重華嘉其誠節贈振威將軍

車 濟字萬度敦煌人果毅有大量張重華以爲金城令爲石季龍將麻秋所陷濟不爲屈秋必欲降之

甘肅通志

卷三七

忠節

姜

乃臨之以兵辭色不撓曰吾雖才非麗德而受任同之身可殺志不可移乃伏劍而死秋歎其忠節以禮葬之後重華迎致其喪親臨慟哭贈宜禾都尉

明胡 麒本衛指揮鎮守肅州正統十四年賊攻臨水堡麒率千戶束斌楊祥百戶朱安陳五王貴蔣忠崖達等追賊至禾勝墩對敵陣亡

董 和百戶弘治十年賊黨出沒隨參將劉勳追賊至昌平三墩對敵陣亡

黃 義百戶弘治十年回賊犯邊統兵隨中軍劉忠

追賊至北沙窩地方陷陣身亡
田志深百戶正德五年隨中軍鍾紀追賊至石峽墩
地方對敵陣亡

丙 寧本衛人任遊擊將軍正德丙子土魯番速壇
滿速兒入寇肅州寧率千戶許釗百戶張璽吳英陳
泰王忠劉威等至黃草壩與賊對敵賊衆我寡自朝
至暮矢盡寧中流矢死之全軍陷沒事聞贈寧都督
同知世襲指揮使恩賜葬祭立襄愍祠餘祀忠勇

陳 進千戶正德十四年隨甘肅總兵柳湧截賊至

甘肅通志

卷二十七

忠節

七

新河地方對敵陣亡

任 虎百戶嘉靖八年回賊犯邊追至老鸛窩地方

與賊對敵陣亡

司彥明百戶嘉靖三十一年南山西番搶殺人畜隨

指揮姚仲壽追賊至中寨堡陣亡

王 臣千戶嘉靖三十九年賊犯肅州同千戶邊威

李相百戶梁棟等隨參將許經追賊至三尖海子對

敵陣亡

錢濟民百戶隆慶四年虜犯肅州統兵追賊至石頭

莊歿於陣

甘肅通志

卷三十七

忠節

五

甘肅通志卷之第三十七

終

